

佛說摩尼羅經

東晉天竺三藏竺曇無蘭譯

聞如是一時佛在舍衛國祇樹給孤獨園時與摩訶比丘僧說摩尼羅經佛問阿難言天下人民得不安隱用何等故用天下万民多有疾病者病痛者用何等故用出母腹痛用傷心痛頭痛目眩不能飲食魔皆所為今諸比丘大懼怖如是便前白佛言痛從何所來去至何所人民大愁憂不樂佛會諸比丘摩訶迦葉惟阿邠律離越摩訶目軋連舍利弗阿難因持羅

佛便說摩尼羅經佛便舉諸佛名字第一惟衛佛第二式佛第三隨葉佛第四拘留秦佛第五拘邠舍牟尼佛第六迦葉佛第七釋迦文佛今是經皆從諸佛口中出第一式又羅第二捷隨羅第三捷頭羅第四弥佉羅第五軋朱羅第六摩油羅第七阿須輪第八隨沙門第九隨孫第十陽提都盧大小一切人民有得疾病者今

佛令諸比丘僧比丘尼優婆塞優婆夷皆當說是經有國中鬼有山中鬼有林中鬼有草莽鬼有塚間鬼有塚中鬼有地上鬼有水邊鬼有水邊鬼有火中鬼有火邊鬼有北斗鬼有虛空中鬼有市井鬼有死人鬼有生人鬼有飢餓鬼有道外鬼有道中鬼有堂外鬼有堂中鬼有身中鬼有身外鬼有飲食鬼有卧時鬼今佛言有赤色鬼有黑色鬼有長鬼有短鬼有大鬼有小鬼有中適鬼有白色鬼有黃色鬼有青色鬼有黑色鬼有夢寤鬼有朝起鬼有步行鬼有飛行鬼有問人魂魄鬼有生人鬼有死人鬼佛言若有瞋恚刀杖起時皆當念是摩尼羅經諸鬼神則為破碎佛告諸比丘若有受是經者若有病瘦當說是經若有頭痛目眩寒熱傷心常當讀是摩尼羅經諸鬼神則頭破作七分若有縣官盜賊水火則當讀是摩尼羅經諸鬼神不得復燒害人今是經諸佛口中所出若有國中鬼一者

摩尼羅經卷第五 第三段 讀

名深沙二者名浮丘是二鬼健行求人長短若有頭痛目眩寒熱傷心即當舉是二鬼名字便當說摩尼羅經是諸鬼神無不破碎者若有青色鬼黃色鬼黑色鬼高大鬼卑小鬼廣長鬼一切大小諸鬼神喜燒天下人民者其鬼名金身鬼薛荔鬼飢餓鬼慳貪鬼勤苦鬼病瘦鬼有痛痒鬼有思想鬼身中鬼身外鬼形殘鬼跛躄鬼痛狂鬼癡聾鬼瘡痂鬼呻吟鬼啼哭鬼閉病鬼虛耗鬼嫉妬鬼魘鬼焚或鬼遊光鬼鎮獸鬼呪咀鬼伏尸注鬼癩死注鬼官舍注鬼軍營鬼亭傳鬼獄死鬼囚死鬼水死鬼溺死鬼火死鬼燒死鬼客死未葬鬼市死鬼道路死鬼渴死鬼餓死鬼暈死鬼凍死鬼兵死鬼血死鬼腥死鬼通禱死鬼闢死鬼棒死鬼絞死鬼自懸死鬼自刺死鬼怨家死鬼強死鬼腐皮鬼斷人毛髮鬼飲人血鬼飛行鬼騎乘鬼駕車鬼步行鬼逢忤鬼山神鬼石神鬼土神鬼海邊鬼海中鬼橋梁鬼溝渠鬼道中鬼道外鬼胡夷

摩尼羅經卷第五 第三段 讀